

5. Եկամտային հարկ (Տեշարեդ):

6. Հաղորդակցութեան միջոցների պահպանութեան հարկ (Էւրաքանչիւր տունը 5 պիաստր):

Բացի այս հարկերէն, կարելի է անուանել և մի շարք ուրիշ տուրքեր, ինչպէս են՝ ամուսնութեան տուրք, ծննդեան տուրք, սեփականութիւնը վաճառելու տուրք, ժառանգութեան տուրք և այլն:

(շարունակելի)

Հ. Մուսայէլեան



Մ Ա Տ Ե Ն Ա Խ Օ Ս Ո Ւ Թ Ի Ի Ն

Հայագիտութիւնն արեւմտեան Եւրոպայում. Համառօտ տեսութիւն և գրաքննարկ. Պ. Կ. Կոստանեանցի այս գիրքը կազմուած է ա-հր. ներածութիւնից և հեղինակների ցանկից ու գրաքննարկից 1—182 երես: Գինն է 1 ռ.

Ներածութեան մէջ պ. Կոստանեանը տալիս է համառօտ տեղեկութիւններ Կիլիկիա և Հայաստան ճանապարհորդած, Հայագիտութեամբ պարապած եւրոպացիների մասին 11-րդ դարից սկսած մինչև 19-րդ դարը, մէջ բերելով այդ եւրոպացիների վարկումները մեր ազգի, մեր լեզուի և երկրի վերաբերութեամբ:

Եւրոպացիների ճանապարհը դէպի մեր երկիրը բացւում է խաչակրաց արշաւանքներով: Այդ արշաւանքներին որքան դժկամակ էին Բիւզանդական կայսրները, այնքան յօժարակամ՝ Կիլիկիայի հայ իշխանները. բարեկամական յարաբերութիւնը աւելի ևս սերտացաւ, երբ հայ իշխանները ամուսնական կապերով կապուեցին Կիլիկիայի շրջակայ երկրներում ապրող եւրոպացի իշխանական տների հետ: Կիլիկիայի Ռուբինեան հարստութեան վերջին թագաւորները արդէն կիսաեւրոպացի կիսակաթոլիկ Լուսինեաններն էին: Եւ արքունիքում տիրում էր եւրոպական կարգ ու սարք. պաշտօնեաների տիրոջոսները, ինչպէս մարաշխատ, գունդստապլ ևլն. առնուած էին եւրոպացիներից:

Կրկնկրայից յետոյ երոպացիք սկսեցին իրանց ճանապարհորդութիւնը գէպի արևելք Հայաստանի միջով, այդ ճանապարհորդների տպաւորութիւնը մեր երկրի և մեր ժողովրդի մասին առանց բացառութեան ոչ միայն նպաստաւոր այլ և համակրական են:

Այգպիսի համակրական արտայայտութիւններից մէկն էլ ներածութեան մակդիրն է. առնուած Տուրնըֆօրից, «Հայերն աշխարհիս լաւագոյն մարդիկն են»: Որքան ուղիղ է Տուրնըֆօրի այդ կարծիքը, մենք հայերս չատ լաւ գիտենք:

Բացի ճանապարհորդներից Հայաստան այցելել են կաթօլիկ քարոզիչներ, որոնք բուն գնելով Նախիջևանի գաւառի՝ Բանանիար և Քոնա գիւղերում, արդէն մահմետական բարբարոս բռնապետների ծանր հարստահարութիւնների տակ հեծող ժողովրդի վիճակը աւելի ևս դժուարացնում էին կրօնական հողի վերայ ներքին երկպառակութիւններով ու կռիւներով: 1576—1612 թիւ Հայաստան ճանապարհորդող Գէորգ Տէկտանդէր տեսել է էջմիածինը անշուք գրութեան մէջ. տաճարն ունեցել է մի գմբէթ, որի մէջտեղը կար մի կլոր լուսամուտ, եկեղեցին չէ ունեցել պատկերներ, չէ եղել և զանգակ: Անշուշտ գմբէթի այդ կլոր լուսամուտը կազմուել է գըմբէթի վեղարի խոնարհուած լինելուց, որ յետոյ, Մովսէս Խոտանանցու օրով վերաշինուեց գմբէթի լուսամուտների տակի քիւից սկսած՝ այժմեան ձևով:

Տէկտանդէրից քիչ յետոյ 1631 թուին այցելեց էջմիածինը Ժան-Բատիստ Տաւէրնիէ, սա արդէն գտնում է տաճարը վերին աստիճանի շքեղութեան մէջ. նա ասում է. «քրիստոնէական աշխարհի ոչ մի եկեղեցում ներկայիս այնպիսի զարդեր չկան, ինչ որ այստեղ կար»:

Պ. Կոստանեանը եւրոպացի ճանապարհորդների և հայագէտների կարծիքները հայերի և հայ լեզուի մասին ամփոփելով՝ իւր ներածութիւնը վերջացնում է ժիլ զօրապետի 50 տարի առաջ արած հետեւեալ բացառականութեամբ:

«Հայաստան, մեծ անուն, մեծ յիշատակ անցեալ
ժամանակների, մեծ տարր մի նոր ապագայի՝ Ո՛ր գիտէ
թէ յիսուն տարուայ մէջ ինչ լինելու է այդ երկիրն, ուր
օր աւուր ածում է հայ ազգը, սերունդ տոկուն և լի
ապագայով:—Նոր ապագան նախանձելի կը լինէր, եթէ
չէին եղել տաճկական բռնապետութեան պարբերական
հարստահարութիւնները, կոտորածներն ու դրանց հետե-
անք գաղթականութիւնը:

Ներածութիւնից յետոյ գալիս է գրացուցակն, ու
ճանապարհորդների այբբենական ցանկը:

Նրանց, որոնք հետաքրքրուում են հայի անցեալով ու
ներկայով, յանձնարարում ենք ունենալ պ. Կ. Կոստա-
նեանի այդ գրացուցակը:

Կ Ա Ր Ե Ի Ո Ր

Եյսկի Մարգարէ աւագ քահանայ Սուքիասեանը հան-
գանակել և ուղարկել է Սինօղին յօգուտ Ադանայի հայ
արկածեալներին 28 ուս Սինօղի հրամանով տպուած ենք
նուիրատուների ցուցակը գոհունակութիւն յայտնելով
նուիրատուներին, որք են.

1. Տիգրանակերտցի Յակովբ Յովհաննիսեան	
Ապահունի	2 ա.
2. Դիւլբիքէ էմմանուէլեան Մահտեսեանց	3 ա.
3. Կարապետ Մկրտչեան Աճեմեանց	1 ա.
4. Գէորգ Ղազարեան Տոխեանց	1 ա.
5. Ռափայէլ Դարբիէլեանց	1 ա.
6. Մանուկ Միքայէլեան Չեքանեանց	1 ա.
7. Գէորգ Թքեճեան	50 կ.
8. Միքայէլ Կամենչիկեան	2 ա.
9. Տիգրան Քարհանեանց	50 կ.
10. Յակովբ Սարգսեանց	1 ա.
11. Երեսփոխան Միքայէլ Սարգսեան Համբարձու- մեանց	1 ա.
12. Տրդատ Չիթեան	50 կ.

Վոխագրելի 14 ր. 50 կ.